

**Ўзбекистон Республикаси ахборот технологиялари ва
коммуникацияларини ривожлантириш вазирлиги
«Radioaloqa, radioeshittirish va televideniye markazi»
давлат унитар корхонаси**

УСТАВИ

(янги тахрирда)

Тошкент - 2015 й.

I. Умумий қоидалар

1. Мазкур Устав Ўзбекистон Республикаси Фуқаролик Кодексининг тегишли моддаларига;

Ўзбекистон Республикаси Президентининг 2015 йил 4 февралдаги ПФ-4702-сон Фармони ва 2015 йил 4 февралдаги ПҚ-2293-сон Қарорига;

Ўзбекистон Республикаси Вазирлар Маҳкамасининг 2015 йил 15 майдаги 123-сон, 2002 йил 21 октябрдаги 362-65-сон, 2003 йил 4 февралдаги 61-9-сон ва «Устав фондида давлат улуши бўлган корхоналарнинг самарали бошқарилишини ва давлат мулкнинг зарур даражада ҳисобга олинишини таъминлаш чора-тадбирлари тўғрисида» 2006 йил 16 октябрдаги 215-сон қарорларига ҳамда 2015 йил 10 апрелдаги 87-сон қарори билан тасдиқланган Ўзбекистон Республикаси Ахборот технологиялари ва коммуникацияларини ривожлантириш вазирлиги тўғрисидаги Низомга мувофиқ ишлаб чиқилди.

2. Давлат унитар корхонасининг номи:

Ўзбек тилидаги тўлиқ номи:

«Radioaloqa, radioeshittirish va televideniye markazi» давлат унитар корхонаси;

қисқартирилган номи: «RRTM» ДУК;

Рус тилидаги тўлиқ номи:

Государственное унитарное предприятие «Центр радиосвязи, радиовещания и телевидения»;

қисқартирилган номи: ГУП «ЦРРТ»;

Инглиз тилидаги тўлиқ номи:

«Centre of radio communication, broadcasting and television» state unitary enterprise;

қисқартирилган номи: - «CRCBT» SUE.

3. «RRTM» ДУК нинг юридик манзили: 100202, Тошкент шаҳри, Юнусобод тумани, Амир Темур кўчаси, 109 «а» уй.

4. Ўзбекистон Республикаси Вазирлар Маҳкамасининг «Устав фондида давлат улуши бўлган корхоналарнинг самарали бошқарилишини ва давлат мулкнинг зарур даражада ҳисобга олинишини таъминлаш чора-тадбирлари тўғрисида» 2006 йил 16 октябрдаги 215-сон қарорига мувофиқ Ўзбекистон Республикаси ахборот технологиялари ва коммуникацияларини ривожлантириш вазирлиги «Radioaloqa, radioeshittirish va televideniye markazi» давлат унитар корхонасининг муассиси ҳисобланади.

5. Ўзбекистон Республикаси ахборот технологиялари ва коммуникацияларини ривожлантириш вазирлиги «RRTM» ДУК - давлат мулкидаги, ўзига оператив бошқариш ҳуқуқи асосида берилган мулк негизида ташкил этилган давлат унитар корхонаси шаклидаги тижорат ташкилотдир, у ўзига бириктирилган мулкдан қонунда белгиланган доирада, ўз фаолияти мақсадларига, мулкдорнинг ёки Ўзбекистон Республикаси ахборот технологиялари ва коммуникацияларини ривожлантириш вазирлигининг яъни муассиснинг топшириқларига ҳамда эғалик қилиш ҳуқуқидаги мулкнинг мақсадига мувофиқ мулкдан фойдаланишни ва уни тасарруф этишни амалга оширади.

6. «RRTM» ДУК хўжалик юретиш ҳуқуқига асосланган юридик шахс ҳисобланиб, алоҳида мол-мулкка, мустақил балансга, банк ҳисоб рақамларига, шу жумладан валюта ҳисоб рақамларига, рамзи, штамплари ва бланкаларига, Ўзбекистон Республикаси Давлат герби тасвири туширилган, ўзининг фирма номи давлат тилида ёзилган муҳрга эга бўлади.

7. «RRTM» ДУК қонун ҳужжатларида белгиланган тартибда ўз номидан мулкӣ ва шахсий номулкий ҳуқуқларни олиши ва амалга ошириши, мажбуриятлар олиши, судда даъвогар ва жавобгар бўлиши мумкин.

8. «RRTM» ДУК Ўзбекистон Республикаси ахборот технологиялари ва коммуникацияларини ривожлантириш вазирлиги розилиги билан қонун ҳужжатларига мувофиқ тижорат ташкилотлари, шунингдек уларда юридик шахсларнинг қатнашишига йўл қўйиладиган ноижорат ташкилотлар қатнашчиси (аъзоси) бўлиши мумкин.

9. «RRTM» ДУК давлатнинг бошқа корхонаси муассиси бўлишга ҳақли эмас.

10. «RRTM» ДУК ўз фаолиятини Ўзбекистон Республикасининг Конституциясига, Ўзбекистон Республикаси Қонунларига, Ўзбекистон Республикаси Олий Мажлиси Сенати ва Қонунчилик палаталарининг қарорларига, Ўзбекистон Республикаси Президентининг Фармонлари, Қарорлари ва Фармойишларига, Ўзбекистон Республикаси Вазирлар Маҳкамасининг қарорлари, фармойишлари ва топшириқларига, Ўзбекистон Республикаси ахборот технологиялари ва коммуникацияларини ривожлантириш вазирлиги Ҳайъатининг қарорларига, Вазирликнинг қарорлари, буйруқлари, фармойишлари ва топшириқларига, ҳамда ушбу Устав талабларига мувофиқ равишда амалга оширади.

11. «RRTM» ДУК амалдаги қонун ҳужжатларига мувофиқ равишда муассиси – Ўзбекистон Республикаси ахборот технологиялари ва коммуникацияларини ривожлантириш вазирлиги олдидаги мажбуриятларини, тасдиқланган бизнес-режасидаги ишлаб чиқариш режаларини, шунингдек молиявий хўжалик фаолияти бўйича белгиланган аналитик ва статистик кўрсаткичларни бажаришни таъминлайди ва ўрнатилган тартибда юқори турувчи давлат бошқарув органларига ҳисобот беради.

12. «RRTM» ДУК ўзининг ишлаб чиқариш ва молиявий хўжалик фаолиятини тўлиқ хўжалик ҳисоби ва ўз-ўзини маблағ билан таъминлаш асосида ҳамда мазкур Уставада белгиланган вазифалар ва функциялар доирасида амалга оширади.

13. «RRTM» ДУК Уставига ўзгартириш ва қўшимчалар киритиш муассиснинг тегишли қарори асосида амалга оширилади ва белгиланган тартибда давлат рўйхатидан ўтказилади.

14. Ўзбекистон Республикаси Вазирлар Маҳкамасининг 2003 йил 4 февралдаги 61-9-сон ҳамда 2015 йил 15 майдаги 123-сон қарорлари билан Радиоалоқа, радиоэшиттириш ва телевидение маркази ташкил этилган ҳамда асосий вазифалари ва фаолият йўналишлари белгиланганлигини инобатга олиб, Ўзбекистон Республикаси Вазирлар Маҳкамасининг «Телекоммуникациялар ва почта алоқаси соҳасида бошқарув тизимини такомиллаштириш чора-тадбирлари тўғрисида» 2000 йил 22 ноябрдаги 458-сон қарори билан тасдиқланган «Телекоммуникациялар соҳасидаги фаолиятни лицензиялаш тўғрисида НИЗОМ»га мувофиқ лицензия талаблари ва шартларига риоя қилган ҳолда лицензиясиз фаолият юритади.

II. «RRTM» ДУК нинг таъсис этиш хусусиятлари

15. «RRTM» ДУКнинг фаолияти ташкил этилишида қуйидаги ҳужжатларлар асос ҳисобланади:

- Ўзбекистон Республикаси Вазирлар Маҳкамасининг «Телекоммуникациялар ва почта алоқаси соҳасида бошқарув тизимини такомиллаштириш чора-тадбирлари тўғрисида» 2000 йил 22 ноябрдаги 458-сон қарори билан тасдиқланган Ўзбекистон почта ва телекоммуникациялар агентлиги низомига мувофиқ Радиоалоқа, радиоэшиттириш ва телевидение корхонасига телерадиодастурларни Ўзбекистон Республикаси бутун ҳудуди бўйлаб тарқатиш ва трансляция қилиш вазифалари юклатилган;

- Ўзбекистон Республикаси Вазирлар Маҳкамасининг 2003 йил 4 февралдаги 61-9-сон ҳамда 2015 йил 15 майдаги 123-сон қарорларига мувофиқ Радиоалоқа, радиоэшиттириш ва телевидение корхонаси негизида Радиоалоқа, радиоэшиттириш ва телевидение маркази ташкил этилган ҳамда асосий вазифалари ва фаолият йўналишлари белгиланган;

- Ўзбекистон Республикаси Вазирлар Маҳкамасининг «Устав фондида давлат улуши бўлган корхоналарнинг самарали бошқарилишини ва давлат мулкининг зарур даражада ҳисобга олинишини таъминлаш чора-тадбирлари тўғрисида» 2006 йил 16 октябрдаги 215-сон қарорига мувофиқ Ўзбекистон алоқа ва ахборотлаштириш агентлигининг 2007 йил 8 июндаги 169-сон буйруғи билан Радиоалоқа, радиоэшиттириш ва телевидение маркази «Radioaloqa, radioeshittirish va televideniye markazi» давлат унитар корхонаси этиб ташкил қилинган ва Устави тасдиқланган;

- Ўзбекистон Республикаси Президентининг «Ўзбекистон Республикаси ахборот технологиялари ва коммуникацияларини ривожлантириш вазирлигини ташкил этиш тўғрисида» 2015 йил 4 февралдаги ПФ-4702-сон Фармони билан Ўзбекистон Республикаси алоқа, ахборотлаштириш ва телекоммуникация технологиялари давлат кўмитаси негизида Ўзбекистон Республикаси ахборот технологиялари ва коммуникацияларини ривожлантириш вазирлиги ташкил этилган. Ўзбекистон Республикаси Президентининг «Ўзбекистон Республикаси ахборот технологиялари ва коммуникацияларини ривожлантириш вазирлиги фаолиятини ташкил этиш тўғрисида» 2015 йил 4 февралдаги ПҚ-2293-сон Қарори билан Ўзбекистон Республикаси ахборот технологиялари ва коммуникацияларини ривожлантириш вазирлиги ташкилий тузилмаси тасдиқланган ва «Radioaloqa, radioeshittirish va televideniye markazi» давлат унитар корхонаси Вазирлик тизимида киритилган.

III. «RRTM» ДУК фаолиятнинг асосий вазифалари, мақсади ва йўналишлари

16. «RRTM» ДУК нинг асосий мақсади ва фаолият йўналишларига қуйидагилар кирази:

Ўзбекистон Республикасининг бутун ҳудудида телерадиодастурларни аналог ва рақамли форматда тарқатиш ва трансляция қилишни ташкил этиш, бошқариш, шу жумладан радиоалоқа, радиоэшиттириш ва телевидение тарқатиш тармоқларини лойиҳалаш, қуриш, улардан фойдаланиш ва хизматларини кўрсатиш;

телерадиодастурларни аналог ёки рақамли форматда тарқатиш ва трансляция қилишни ташкил этиш, бошқариш, шу жумладан радиоалоқа, радиоэшиттириш ва

телевидение тарқатиш тармоқларини доимий мониторинг қилиш бўйича ягона бошқарув тизимини яратиш;

манфаатдор ташкилотларга шартнома асосида радиоалоқа хизматларини кўрсатиш;

«алоҳида давр» ва фавқулодда ҳолатларда радиоалоқа тармоқларининг ўзаро муносабатларини ташкил этиш;

телекўрсатувлар ва радиоэшиттиришларни тарқатиш (узатиш) тармоқларини лойиҳалаштириш, қуриш, улардан фойдаланиш ва хизматларини кўрсатиш.

17. Қуйидагилар «RRTM» ДУК нинг асосий вазифалари ҳисобланади:

- радиоалоқа, радиоэшиттириш ва телевидение тарқатиш тармоқларини лойиҳалаш, қуриш, улардан фойдаланиш ва хизматларини кўрсатиш, уларни барқарор ва сифатли ишлашини таъминлашда замонавий телекоммуникация технологиялардан, шу жумладан ахборот, компьютер ва медиатеchnологиялардан кенг фойдаланишни ташкил этиш;

- телерадиоташкилотларнинг мулкчилик шаклидан қатъий назар, уларнинг буюртмаларига кўра, қонунчиликда белгиланган тартибда оммавий ахборот воситаларини етказиб бериш хизматларини кўрсатиш;

- замон талаблари, давлат ва соҳа стандартлари ва меъёрларига мувофиқ радиоалоқа, радиоэшиттириш ва телевидение тармоқлари, техник воситалари, техник бино ва минора иншоотлари, антенна ва мачта қурилмаларини техник эксплуатация қилинишини таъминлаш;

- радиоалоқа, радиоэшиттириш ва телевидение тармоқларини, техник воситалари, узатиш қурилмалари, техник бино ва минора иншоотлари, антенна ва мачта қурилмаларини, энергиятаъминот тизимларини ривожлантириш, кенгайтириш, реконструкция ва модернизация қилиш;

- инвестиция ва қурилиш, шу жумладан таъмирлаш ва капитал таъмирлаш лойиҳаларини, ҳамда инвестиция ва манзилий дастурларни ишлаб чиқиш, янги техника ва технологиялар билан жиҳозлаш бўйича истиқболли устувор йўналишларни аниқлаш ва белгилаш;

- инвестиция ва манзилий дастурларни амалга ошириш учун молиявий манбаларини аниқлаш, корхоналар, ташкилотлар ва молия институтларининг сармояларини, шу жумладан чет эл кредитларини жалб қилиш ва «RRTM» ДУК нинг инвестицион сиёсатини янада такомиллаштириш;

- радиоалоқа, радиоэшиттириш ва телевидение тармоқларини, техник воситалари, узатиш қурилмалари, техник бино ва минора иншоотлари, антенна ва мачта қурилмаларини, энергиятаъминот тизимларини техник эксплуатация қилиш қоидалари, низомлари, йўриқномалари ва меъерий ҳужжатларини ўрнатилган тартибда ишлаб чиқиш ва тасдиқлаш;

- радиоалоқа, радиоэшиттириш ва телевидение тармоқларини лойиҳалаш, қуриш, улардан фойдаланиш ва хизматларини кўрсатиш фаолиятида ахборот хавфсизлигини таъминлаш, ахборот хавфсизлиги тизимини яратиш, асосий йўналишларни белгилаш ва такомиллаштириш;

- радиоалоқа, радиоэшиттириш ва телевидения тармоқлари, техник бино ва минора иншоотлари, антенна ва мачта қурилмаларини, энергиятаъминот тизимларини техник эксплуатациясини юқори профессионал даражада амалга

ошириш борасида мутахассис ва ходимларнинг ўқитиш, касб маҳоратини ва малакасини ошириш бўйича ишларни ташкил этиш.

IV. «RRTM» ДУК функциялари

18. «RRTM» ДУК ўзига юклатилган асосий вазифаларни, мақсад ва йўналишларни амалга ошириш учун қуйидаги функцияларни бажаради:

- давлат ва нодавлат оммавий ахборот воситалари, уларнинг телерадио дастурлари ва телерадиоканалларини радиоалоқа, радиоэшиттириш ва телевидение тармоқлари орқали аналог ва рақамли форматда узатиш, тарқатиш ва етказиб бериш хизматларини кўрсатиш;

- телерадиоташкилотларнинг буюртмаларига кўра, уларнинг мулкчилик шаклидан қатъий назар, ер сунъий йўлдоши алоқа тизимлари ва станцияларидан фойдаланган ҳолда телерадиодастурларни узатиш, етказиш ва тарқатиш хизматларини кўрсатиш;

- телерадиодастурларни аналог ёки рақамли форматда тарқатиш ва трансляция қилишни ташкил этиш, бошқариш, шу жумладан радиоалоқа, радиоэшиттириш ва телевидение тарқатиш тармоқларини ягона бошқарув тизимини орқали доимий мониторинг қилиш;

- телерадиосигналларни қонунчиликда белгиланган тартибда чет эл корхоналари ва ташкилотлари билан шартномалар асосида импорт ва экспорт қилишни ташкиллаштириш ва оммавий ахборот воситаларини етказиб бериш хизматларини кўрсатиш;

- радиоалоқа, радиоэшиттириш ва телевидение тарқатиш тармоқларини лойиҳалаш, куриш, улардан фойдаланиш ва хизматларини кўрсатиш;

- радиоалоқа, радиоэшиттириш ва телевидение тарқатиш тармоқларини барқарор ва сифатли ишлашини таъминлашда замонавий телекоммуникация технологиялардан, шу жумладан ахборот, компьютер ва медиатеchnологиялардан кенг фойдаланишни ташкил этиш;

- ҳаракатдаги радиоалоқа (мобил ва транкинг), кабель ва эфир кабель телевидение, маълумотларни узатиш тармоқларини лойиҳалаш, куриш, улардан фойдаланиш ва хизматларини кўрсатиш;

- буюртмачиларнинг талаб ва таклифларидан келиб чиқиб телерадиодастурлар тарқатиш техник воситаларини иш режалари ҳамда жадвалларини ишлаб чиқиш ва улар асосида ишлаб-чиқаришни ташкил этиш;

- ахборот хавфсизлиги талабларини инобатга олган ҳолда корхонанинг ахборот тизимлари ва компьютер тармоқларини яратиш, ривожлантириш, модернизация қилиш ва такомиллаштириш, ахборот ресурсларини шакллантириш ва фойдаланиш тартибларини белгилаш;

- радиоалоқа, радиоэшиттириш ва телевидение тармоқларини, техник воситалари, узатиш қурилмалари, бино ва минора иншоотлари, антенна ва мачта қурилмаларини, энергиятаъминот тизимларини норматив ва стандартлар талабларига мувофиқ узлуксиз ишлашини, сақланишини ва мақсадли фойдаланишини таъминлаш, уларни такомиллаштириш, ривожлантириш, лойиҳалаш, эксплуатация қилиш ва хизмат кўрсатишни амалга ошириш;

- радиоалоқа, радиоэшиттириш ва телевидение тармоқларини, техник

воситалари, узатиш қурилмалари, бино ва минора иншоотлари, антенна ва мачта қурилмаларини, энергиятаъминот тизимларини ривожлантириш, кенгайтириш, реконструкция ва модернизация қилиш бўйича инвестиция ва қурилиш, шу жумладан таъмирлаш ва капитал таъмирлаш бўйича лойиҳа-смета ҳужжатларини, инвестиция ва манзилий дастурларни ишлаб чиқиш, тасдиқлаш;

- инвестиция лойиҳаларини амалга ошириш, шу жумладан объектларни қуриш ва капитал таъмирлаш ишларини бажаришда архитектура ва қурилиш стандартлари ва меъёрлари, лойиҳа-смета ҳужжатлари ва бошқа тегишли меъёрий ҳужжатлар талаблари бажарилишини таъминлаш, мониторинги ва назоратини олиб бориш, фойдаланишга қабул қилишни амалга ошириш;

- тармоқдаги техника воситаларидан самарали фойдаланиш, янги техника ва технологияларни жорий этиш, техник воситаларни модернизациялаш ва реконструкция қилиш бўйича таклифлар тайёрлаш, метрологик таъминлаш бўйича ишларини ташкил этиш;

- радиоалоқа, радиоэшиттириш, телевидение тармоқларини, техник воситалари, узатиш қурилмалари, бино ва минора иншоотлари, антенна ва мачта қурилмаларини, энергиятаъминот тизимларини ўрнатилган тартибда сертификация синовидан ўтказиш;

- телевидение ва радиоэшиттириш тракти технологик ускуналари параметрларини телевидение ва радиоэшиттириш соҳасининг норматив талабларига мослигини таъминлаш;

- аҳолини ҳамда вазирликлар, давлат қўмиталари, идоралари ва ҳуқуқ-тартибот органларини узлуксиз ва юқори сифатли радиоалоқа, радиоэшиттириш ҳамда телевидение хизматлари билан таъминлаш учун зарур режа-дастурларни, тадбирларни ишлаб чиқиш ва амалга ошириш;

- радиоалоқа, радиоэшиттириш ва телевидение хизматларини кенгайтириш ва янги хизмат турларини жорий этиш билан даромадлар ҳажмини ошириш бўйича Корхонанинг маркетинг сиёсатини юритиш, келажак дастурларини ишлаб чиқиш ва устувор йўналишларни белгилаш;

- корхонанинг даромадлар ҳажмини ошириш мақсадида радиоалоқа, радиоэшиттириш ва телевидение хизматларини кенгайтириш ва янги хизмат турларини жорий этиш ва амалга ошириш;

- хўжалик юритувчи субъектлар билан шартномавий муносабатларни мувофиқлаштириш ва такомиллаштириш, шунингдек хизматлар кўрсатиш, эксплуатация харажатларини қоплаш ва бошқа даромад олишга доир шартномаларни ўрнатилган тартибда тузиш;

- фаолиятнинг қўшимча молиялаштиришга мақсадли акциялар, қимматли қоғозлар сотиб олиш, уларни банк депозит ҳисоб варақаларида юқори фойзли омонатларга қўйиш, бошқа корхона, ташкилот ва жамиятлар устав фондидаги Корхона улушларини мониторинг қилиш;

- Тошкент телеминорасида умумий овқатланиш жойлари, савдо ва тижорат дўконлари ташкил этиш, эсдалик совғалари, буклетлар, календарлар ишлаб чиқариш ва сотиш ҳамда маданий-оммавий тадбирларни ўтказишни ташкил этиш, республикада аҳолиси ва чет эл сайёҳларига Тошкент телеминорасини тамоша қилиши ва ресторанида овқатланиши учун хизматлар кўрсатиш;

- радиоалоқа, радиоэшиттириш ва телевидение, маълумотлар узатиш, радиоалоқа тармоқлари хизматларидан фойдаланишга доир қурилмаларни, радиотехника асбоб-ускуналарни, техник ва радиоэлектрон воситаларни, асбоб-ускуналарни, жиҳозларни, компьютер ва оргтехникаларни, бутловчи ускуна ва жиҳозларни қонунчиликда белгиланган тартибда чет эллардан харид қилиш ва сотиш, шунингдек улгуржи ва чакана савдосини амалга ошириш;

- «RRTM» ДУК ва унинг ҳудудий радиотелеузатиш марказларини (таркибий бўлинмаларини) фаолиятида автотранспорт воситалари, механизациялар, агрегатлар, бошқа техника воситаларидан, ёқилғи-мойлаш маҳсулотларидан самарали фойдаланиш, уларни сақлаш, жорий ва капитал таъмирлаш, эксплуатация жараёнида техник созлигини таъминлаш, шунингдек фойдаланишда техника ва ёнғин хавфсизлиги қоидалари, меъёрий-ҳуқуқий ҳужжатлар талабларига риоя этиш;

- мураккаб радиотехника асбоб-ускуналарини, жиҳозларини, шунингдек маиший-техника воситаларини таъмирлаш ишларини бажариш;

- интернет – кафеларни ташкил қилиш ва компьютер ўйинларни ҳамда Интернет хизматларини кўрсатиш;

- радио ва телевизион студияларни ташкил этиш ва иш фаолиятини ташкиллаштириш;

- махсус радиотехника қурилмаларини ишлатишда қидирув, бутлаш, монтаж қилиш ва тажриба-синовдан (тестдан) ўтказиш ишларини бажариш;

- корхона ва ташкилотларга захирада турган ёки фойдаланилмаётган техник воситаларни, жиҳозларни, махсус қурилмаларни, биноларни фойда кўриш учун ўрнатилган тартибда ижарага бериш;

- метрология ва ўлчов хизматларини кўрсатиш, ўлчов асбобларини ижарага бериш;

- кичик бизнес мулкдорлари, шунингдек тадбиркорлик фаолияти билан шуғулланувчи бошқа юридик ва жисмоний шахслар билан ҳамкорликда тенг шерикчилик асосида қўшма радио ва телевизион студиялар ташкил қилиш, уларнинг узлуксиз ишлашини таъминлашга кўмаклашиш.

- инженер-техник ходимлар, цехлар, хизмат ва устахоналар ишчилари ва ходимларининг касб маҳоратини ошириш мақсадида уларни тайёрлаш, қайта тайёрлаш ва малакасини ошириш учун зарурий ташкилий шароитларни яратиш;

- режалаштирилган дастурий вазифаларни, топшириқларни бажарилишини таъминлаш ва моддий-техника таъминотини яхшилаш учун тасдиқланган смета ҳужжатларига мувофиқ моддий ресурслар ва пул маблағлари ажратиш ҳамда уларнинг мақсадли фойдаланилиши устидан назорат қилиш;

- меҳнат самарадорлигини ошириш бўйича тадбирларни ишлаб чиқиш, амалиётга жорий қилиш ва бошқарув тизимини такомиллаштириш, ишлаб чиқариш жараёнларига ахборот коммуникация технологияларини кенг тадбиқ этиш орқали хизмат кўрсатиш ва меҳнат самарадорлигини ошириш;

- кашфиёт, ихтиро, фойдали моделлар ва саноат намуналари ва ускуналардан оқилона фойдаланиш, тажриба алмашиш ва метрология бўйича ишларни ташкил қилиш;

- ички меҳнат тартиби, режим ва хавфсизлик, шунингдек техника хавфсизлиги қоидаларига риоя этилишини таъминлаш;

- бажарилган иш ҳажми ва кўрсатилган хизмат сифатига қараб ўрнатилган тартибда меҳнатига ҳақ тўлаш ва меъёрлашни прогрессив шакллари жорий этиш, мукофот ва бошқа хил рағбатлантириш тўловларининг миқдорларини белгилаш;

- «RRTM» ДУК тасарруфидаги асосий воситалардан, мол-мулкдан, товар-моддий бойликлардан ва бошқа қимматликлардан мақсадли фойдаланиш ва уларни белгиланган тартибда сақлаш, шунингдек янги асосий воситаларни, захира қисмларни ва бошқа материалларни харид қилиш, маънавий ва жисмоний эскирган асосий воситаларни ўрнатилган тартибда ҳисобдан чиқариш ва тугатиш, тасдиқланган режаларга мувофиқ қора ва рангли металл чиқинди ва парчаларини иккиламчи хом-ашё сифатида ўрнатилган тартибда топшириш;

- «RRTM» ДУК тасарруфидаги объектларнинг ер ҳудудлари, бино ва иншоотлари, алоқа, энергиятаъминот, муҳандислик коммуникациялари тармоқларининг кадастрини ўрнатилган тартибда юритиш;

- иқтисодий кўрсаткичларни яхшилаб бориш, бажарилаётган ишлар, кўрсатилаётган хизматлар, ишлаб чиқариш хизматлари ҳажмини ошириш истиқболли режалаштириш ва аниқлаш;

- «RRTM» ДУК жамоасининг моддий манфаатдорлигини қўллаб-қувватлаш ва боғдорчиликни ривожлантириш мақсадида ёрдамчи хўжалик учун ажратилган ер майдонларидан унумли фойдаланиш чораларини кўриш;

- «RRTM» ДУК ва унинг ҳудудий радиотелеузатиш марказларини (таркибий бўлинмаларини) фаолиятларида қонунчиликка риоя қилишни таъминлаш, давлат мулкани асраш ва сақлаш бўйича зарур чора-тадбирларни амалга ошириш;

- Ўзбекистон Республикаси қонунчилигига мувофиқ «RRTM» ДУК иш фаолиятида давлат сирларини, ошқор қилинмайдиган ҳужжатларнинг, архив материалларининг сақланишини ва махфийлик ҳолатини таъминлаш;

- «RRTM» ДУК фаолиятига доир юқори турувчи давлат бошқарув органларининг, ҳуқуқни муҳофаза этувчи ва назорат қилувчи органларнинг, шунингдек муассис сифатида Ўзбекистон Республикаси ахборот технологиялари ва коммуникацияларини ривожлантириш вазирлигининг корхона фаолиятига доир кўрсатма ва топшириқларни ўз вақтида бажарилишини таъминлаш.

19. «RRTM» ДУК фаолиятини иқтисодий самарали ташкиллаштириш учун қўшимча равишда тегишли лицензиялар асосида қуйидаги фаолиятларни амалга ошириши мумкин:

кўчма радиотелефон алоқаси тармоқларини лойиҳалаштириш, куриш, улардан фойдаланиш ва уларга хизмат кўрсатиш;

маълумотлар узатиш тармоқларини лойиҳалаштириш, куриш, улардан фойдаланиш ва уларга хизмат кўрсатиш;

телекоммуникацияларнинг маҳаллий тармоқларини лойиҳалаштириш, куриш, улардан фойдаланиш ва уларга хизмат кўрсатиш;

телекоммуникацияларнинг шаҳарлараро тармоқларини лойиҳалаштириш, куриш, улардан фойдаланиш ва уларга хизмат кўрсатиш;

телекоммуникацияларнинг халқаро тармоқларини лойиҳалаштириш, куриш, улардан фойдаланиш ва уларга хизмат кўрсатиш;

- ёнғинга қарши автоматика воситаларини, кўриқлаш сигнализацияларини,

ёнғиндан дарак берувчи ва ёнғиндан сақловчи сигнализацияларни лойиҳалаштириш, монтаж қилиш, созлаш, таъмирлаш ва уларга техник хизмат кўрсатиш;

- улгуржи ва чакана савдо;

- ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш;

- баландликларда саноат альпинизми усулларида таъмирлаш, қурилиш-монтаж ишларини бажариш;

- қурилиш лойиҳаларининг экспертизасини ўтказиш;

- архитектура-шаҳарсозлик ҳужжатларини яратиш;

- ҳавфи юқори бўлган объектлардан ҳамда потенциал ҳавфли ишлаб чиқаришлардан фойдаланиш;

- ягона энергетика тизимига уланадиган стационар электр станцияларида электр энергияси ишлаб чиқариш;

- ўлчаш воситаларини тайёрлаш, реализация қилиш ва ижарага бериш;

- энергетика текширувлари ва экспертизалари ўтказиш;

- божхона омбори, божхона режимида омборхона – «эркин омборхона» таъсис этиш.

20. Фан ва техника тараққиёти ютуқларини ва илғор тажрибани амалга татбиқ этиш, жумладан:

- юқори техник-иктисодий кўрсаткичларга эришишни таъминлаш;

- асосий фондлар, меҳнат, моддий ва молиявий маблағлардан тежамкорлик ва самарали фойдаланиш;

- корхонанинг моддий-техника базасидан унумли фойдаланишни ташкил этиш ва мунтазам назорат қилиш;

- пул маблағларини, шунингдек асосий ва айланма воситаларни моддий ресурсларни қайта таъмирлашга, техник жиҳозлашга ва ишлаб чиқариш тармоғини ривожлантиришга йўналтириш;

21. Асосий маблағлардан унумли фойдаланиш, уларнинг самарадорлигини ошириш, объектлар қурилишини тезлаштириш, смета харажатларини камайтириш ва хизматлар таннархини пасайтиришга эришиш, ишлаб чиқариш қувватларини белгиланган муддатларда қуриб фойдаланишга топширишни таъминлаш;

22. «RRTM» ДУКнинг ишлаб чиқариш ва молиявий хўжалик фаолиятида ортиқча сарф-харажатларга, шунингдек мулкӣ ва номулкий зарарлар етказилишига йўл қўймаслик чораларини белгилаш;

23. «RRTM» ДУК жамоасининг ижтимоий муҳофазасини таъминлаш, юқори ва унумли меҳнат қилишлари учун етарли шарт-шароитлар яратиш, ортиқча сарф-харажатларни камайтириш ва ишлаб чиқариш самарадорлигини ўсиши ҳисобидан иш ҳақиларини ошириш ва меҳнатга ҳақ тўлашнинг прогрессив услубларини жорий қилиш;

24. «RRTM» ДУК ва унинг ҳудудий радиотелеузатиш марказларини (таркибий бўлинмаларни) малакали ходимлар билан таъминлаш, ходимларнинг малакаси, билим савияси ва амалий тажрибаларини ошириш чораларини кўриш, радиоалоқа, радиоэшиттириш ва телевидения тармоқлари техник эксплуатациясини юқори

профессиялар даражада амалга ошириш мақсадида мутахассис ва ходимларнинг ўқитиш, касб маҳоратини ва малакасини ошириш бўйича ишларни ташкил этиш.

25. «RRTM» ДУК эҳтиёжлари ва имкониятларидан келиб чиққан ҳолда ходимларни корхонанинг маблағлари ҳамда жалб этилган маблағлар ҳисобига ўқитиш, малакасини ошириш, қайта тайёрлаш, ўқувчи ва талабалар амалиётларини ташкил этиш;

26. Тиришқоқ, изланувчан, меҳнатсевар, фидоий ва масъулиятли ёш малакали мутахассисларни қўллаб-қуватлаш, малакаларини ошириш, лавозимларга тайинлаш ва улар ҳисобидан кадрлар заҳирасини шакллантириш.

V. «RRTM» ДУК мажбуриятлари

27. Муассис ва бошқа жамғармалар, хўжалик юритувчи субъектлар томонидан ва «RRTM» ДУК балансига қабул қилинган айланма ва асосий воситалардан, бошқа мол-мулклардан амалдаги қонун ҳужжатларида белгиланган тартибда фойдаланади ва сақланишини таъминлайди.

28. «RRTM» ДУК молиявий-хўжалик фаолияти якунлари (чорак, ярим йиллик, 9 ойлик, йиллик) бўйича тегишли давлат бошқарув органларига ва Ўзбекистон Республикаси ахборот технологиялари ва коммуникацияларини ривожлантириш вазирлигига даврий ҳисоботлар (баланслар) топширади.

29. «RRTM» ДУК Ўзбекистон Республикаси Солиқ кодекси ва бошқа меъёрий ҳужжатлар асосида бюджетга, бюджетдан ташқари жамғармаларга тўланиши лозим бўлган солиқлар, йиғимлар ва бошқа мажбурий тўловларни белгиланган тартибда ва муддатларда тўлайди.

30. «RRTM» ДУК юридик ва жисмоний шахсларга радиоалоқа, радиоэшиттириш ва телевидение хизматларини юқори ва сифатли даражада кўрсатиш ишларини таъминлайди.

31. «RRTM» ДУК молиявий-хўжалик фаолиятидаги ҳисоб-китоб ишларини Ўзбекистон Республикасининг «Бухгалтерия ҳисоби тўғрисида»ги қонуни ва бошқа қонуности меъёрий ҳужжатлар асосида олиб боради. Муддати ўтган кредитор ва дебитор қарздорликларни қонунчиликда белгиланган тартибда бартараф этиш чораларини амалга оширади.

32. Тўлов муддати ўтган дебитор қарзларни кредиторларга нисбатан тегишли суд орқали даъво қўзғатиш йўли билан мажбурий ундириш чораларини кўради.

33. «RRTM» ДУК амалдаги қонун ҳужжатларида белгиланган бошқа мажбуриятларга эга бўлиши мумкин.

34. Муассис сифатида Ўзбекистон Республикаси ахборот технологиялари ва коммуникацияларини ривожлантириш вазирлиги «RRTM» ДУК Бош директориغا корхонанинг устав фаолиятини амалга ошириш ва бошқарувни такомиллаштиришга қаратилган қўшимча мажбуриятларни юклаши мумкин.

VI. «RRTM» ДУК ҳуқуқлари

35. Ўзбекистон Республикаси ахборот технологиялари ва коммуникацияларини ривожлантириш вазирлиги томонидан бериладиган лицензия талаблари ва шартлари доирасида Ўзбекистон Республикаси ҳудудида телерадиодастурларни тарқатиш (узатиш) хизматини амалга оширади.

36. Тадбиркорлик фаолияти билан шуғулланувчи юридик ва жисмоний шахслар билан ҳамкорликда қўшма радио ва телевизион студиялар ташкил қилиши, фаолиятини назорат қилиши, шунингдек фойда (даромад) олиш мақсадида уларга биноларни, ускуналарни, жиҳозларни ва қурилмаларни ўрнатилган тартибда вақтинча ижарага бериши мумкин.

37. «RRTM» ДУК хўжалик юритувчи субъектлар билан, шунингдек тадбиркорлик фаолияти билан шуғулланувчи юридик ва жисмоний шахслар билан хизмат кўрсатиш (ишларни бажариш) борасида ўз муносабатларини амалдаги қонунларга биноан хўжалик шартномалари, келишувлар, битимлар тузиш йўли билан белгилайди.

38. «RRTM» ДУК ўз навбатида Ўзбекистон Республикаси ахборот технологиялари ва коммуникацияларини ривожлантириш вазирлиги билан келишган ҳолда шўъба корхона ва радиотелеузатиш марказлар ташкил этиш, шунингдек чет эл сармояларини жалб қилган ҳолда ўз улуши билан қўшма корхона ташкил этиш ва муассис сифатида таркибига кириши мумкин.

39. «RRTM» ДУК бош бўлинмасини ва ҳудудий радиотелеузатиш марказларини (таркибий бўлинмаларни) малакали ходимлар ва мутахассислар билан таъминлайди, соҳага оид кадрлар захирасини шакллантиради, уларнинг самарали ишлашлари ва малакасини ошириш учун қисқа муддатли курсларга ўқитишга йўналтиради, чет эл мамлакатларига соҳавий тажриба алмашиш учун юборади.

40. Маҳаллий ҳокимият ва бошқаруви органларида «RRTM» ДУК ваколатига қирувчи масалаларни мустақил ҳал қилади ва ишлаб чиқариш муносабатларини ривожлантириш юзасидан Ўзбекистон Республикаси ахборот технологиялари ва коммуникацияларини ривожлантириш вазирлиги раҳбариятига аниқ таклифлар киритади.

41. Маҳаллий ўзини ўзи бошқарув органлари ва идораларидан «RRTM» ДУК ваколатига тегишли бўлган масалаларга доир зарур ахборотларни талаб қилиб олади.

42. Мулкӣ-номулкӣ низолар, шунингдек хўжалик юритувчи субъектлар билан тузилган хўжалик шартномалари (контракт) бўйича тарафлардан бирининг шартномавий мажбуриятларини бажармаслиги оқибатида юзага келган низолар судларда қўрилаётганда даъвогар ёки жавобгар сифатида ўз вақилини жалб қилади ва қўзғатилган даъвони таъминлайди.

43. «RRTM» ДУК амалдаги қонун ҳужжатларида белгиланган бошқа ҳуқуқларга, ваколатларга эга бўлиши мумкин.

44. Муассис сифатида Ўзбекистон Республикаси ахборот технологиялари ва коммуникацияларини ривожлантириш вазирлиги «RRTM» ДУК Бош директорида қорхонанинг Устав фаолиятини амалга ошириш ва бошқарувни такомиллаштиришга қаратилган қўшимча ваколатлар бериши мумкин.

VII. «RRTM» ДУК бошқарув фаолиятини ташкил этиш

45. «RRTM» ДУК Ўзбекистон Республикаси ахборот технологиялари ва коммуникацияларини ривожлантириш вазирлиги тизимига қиради. Ўзбекистон Республикаси ахборот технологиялари ва коммуникацияларини ривожлантириш вазирлиги эса «RRTM» ДУК муассиси ва юқори турувчи мувофиқлаштурувчи давлат бошқарув органи ҳисобланади.

46. Ўзбекистон Республикаси ахборот технологиялари ва коммуникацияларини ривожлантириш вазирлигининг қарори билан лавозимга тайинланадиган ва озод қилинадиган Бош директор «RRTM» ДУКда раҳбарликни амалга оширади.

47. Бош директор корхонанинг яқка ижро этувчи органи ҳисобланади ва корхона олдида қўйилган вазифаларнинг бажарилишини ташкил этади, ишончномасиз корхона номидан фаолият кўрсатади, шу жумладан унинг манфаатларини ифодалайди, битим ва шартномаларни тузади, белгиланган тартибда амалга оширади, бош директор ўринбосарлари, радиотелеузатиш марказлари раҳбарлари, уларнинг ўринбосарлари ва бош муҳандисларини ҳамда Бош бўлинмадаги барча ходимларни ишга қабул қилади, улар билан меҳнат шартномалари тузади, ўзгартиради ва бекор қилади, буйруқ ва фармойишлар чиқаради, қонун ҳужжатларида белгиланган тартибда масъул ходимларга ишончномалар беради, ходимларнинг штат бўйича сони ва уларнинг иш ҳақи миқдорларини муассис билан келишган ҳолда тасдиқлайди.

48. Бош директор Ўзбекистон Республикасининг амалдаги қонунлари ва ушбу Устав асосида:

- корхонани иш фаолиятини ташкил қилади, меҳнат жамоасига раҳбарлик қилади, ишлаб чиқариш, молиявий хўжалик фаолиятини бошқаришда қонунчиликка риоя қилинишини, шунингдек меҳнат, хўжалик, шартномавий ва молиявий интизомга риоя қилинишини таъминлайди;

- ўз ваколати доирасида «RRTM» ДУК ва унинг таркибидаги ҳудудий радиотелеузатиш марказларининг намунавий тузилмаларини ишлаб чиқади ва тасдиқлайди;

- «RRTM» ДУК бошқарув тузилмаси ва штатлар жадвалини ишлаб чиқади ҳамда ўрнатилган тартибда Ўзбекистон Республикаси ахборот технологиялари ва коммуникацияларини ривожлантириш вазирлиги билан келишади;

- таркибий тузилмаларда ишлаб чиқариш фаолиятини ташкиллаштиради, иш ўринларини белгилайди, ишлар кўламини, хизматлар кўрсатиш хажмларини режалаштиради ва бажарилишини назорат қилади;

- қонунчиликда назарда тутилган тартибда банк муассасалари ва кредит ташкилотларида «RRTM» ДУК нинг жорий ҳисоб рақамини, валюта ҳисоб рақамини, бошқа махсус ҳисоб рақамларини очади ва ёпади;

- молия, банк, кредит ва бошқа тўлов ҳужжатларига биринчи имзо қўйиш ваколатига эга;

- шартномавий мажбуриятларини бажариш мақсадида банклар орқали молия, кредит, валюта операцияларини амалга оширади;

- маблағлар ва кредитларни мулкдор розилиги билан тасарруф қилади.

- ўз ваколати доирасида «RRTM» ДУК нинг моддий жавобгар шахсларига ва бошқа ходимларига хизматларни қабул қилиш, моддий қийматли товарларни, буюмларни, жиҳозларни ортиб жўнатиш, қабул қилиш, ташиш, шунингдек сақланишини таъминлаш юзасидан ҳамда корхона номидан судларда ва бошқа органларда иштирок этиш учун ўрнатилган тартибда бир марталик ишончномалар беради;

- «RRTM» ДУК ва унинг таркибий тузилмалари, шунингдек радиотелеузатиш марказлари раҳбар ходимлари ва мутахассислари томонидан бажарилиши мажбурий

бўлган меъёрий ҳужжатлар (низом, йўриқнома, қоида, Кенгаш қарори, буйруқ, фармойиш, ёзма ва оғзаки топшириқ ва кўрсатмалар) қабул қилади.

- ўринбосарлар ўртасида вазифаларни тақсимлайди, уларнинг хизмат ваколати доирасига кирувчи иш фаолияти учун жавобгарлик даражасини белгилайди.

- «RRTM» ДУК нинг барча тузилмавий радиотелеузатиш марказларига умумий раҳбарликни амалга оширади;

49. Бош директор раҳбарлигида «RRTM» ДУК нинг Кенгаши тузилади. Кенгаш таркиби Бош директор буйруғи билан тасдиқланади ва Кенгаш фаолияти тасдиқланган Низомга мувофиқ равишда амалга оширилади.

50. Бош директор:

- «RRTM» ДУК таркибидаги ҳудудий радиотелеузатиш марказларининг тузилмаси ва штатлар жадвалини тасдиқлайди, кадрларни танлаш ва жой-жойига қўйиш юзасидан кадрлар сиёсатини амалга оширишда уларга амалий ёрдам кўрсатади;

- «RRTM» ДУК ва унинг таркибидаги ҳудудий радиотелеузатиш марказларининг тасдиқланган Низомларига мувофиқ ўзларига берилган ваколатлари доирасида ихтисосликлари соҳага тўғри келадиган мутахассисларни танлаш ва кадрларни жой-жойига қўйиш, ёш мутахассисларга мураббийлик қилиш ва тарбиялаш, раҳбар ходимлар захирасини шакллантириш юзасидан доимий иш олиб боради;

- келажакда танлов асосида ишга қабул қилишни назарда тутган ҳолда, Олий ва ўрта махсус таълим муассасалари талаба ва ўқувчиларининг «RRTM» ДУК ва унинг таркибидаги радиотелеузатиш марказларида амалиёт ўтишлари, битирув-малака, диплом ишлари тайёрлашларини тартибга солади ва ташкиллаштиради;

- «RRTM» ДУК бош бўлинмаси ва унинг таркибидаги ҳудудий радиотелеузатиш марказларининг раҳбар ходимлари ва мутахассисларини қонунчиликда назарда тутилган тартиб ва муддатда суҳбат ҳамда шаходат синовидан ўтказишни ташкил қилади;

- ходимларни тайёрлаш ва қайта тайёрлашни такомиллаштириш, таркибий бўлинмаларни, радиотелеузатиш марказларини малакали ва етук мутахассислар билан таъминлашнинг зарурий чора-тадбирларини белгилайди;

- «RRTM» ДУК га юклатилган асосий вазифалар, функциялар ва мажбуриятларнинг бажарилиши бўйича шахсан жавобгар мансабдор шахс ҳисобланади;

- давлат ҳокимияти ва бошқаруви органлари, ташкилотлар, муассасалар, жамоат бирлашмалари билан ўзаро муносабатларда, шунингдек халқаро ташкилотларда ишончномасиз «RRTM» ДУК номидан қатнашади.

51. Бош директор ўз вазифаларини бажаришда ва ҳуқуқларини амалга оширишда давлат қорхонаси манфаатларини кўзлаб ҳаракат қилиши шарт.

52. Бош директор ўз хизмат вазифаларини бажармаганда, лозим даражада бажармаганда ёки хизмат ваколати доирасидан четга чиқиб ғайриқонуний ҳатти – ҳаракатлар содир этган, ёки қонунга зид қарорлар қабул қилганлиги оқибатида қорхонага моддий зарар етказилишига йўл қўйган ҳолларда амалдаги қонун ҳужжатларида белгиланган тартибда жавобгар бўлади.

53. Бош директорнинг тақдимномаси асосида Ўзбекистон Республикаси ахборот технологиялари ва коммуникацияларини ривожлантириш вазирлигининг қарори билан ўрнатилган тартибда лавозимга тайинланадиган ва лавозимдан озод қилинадиган, Бош директорнинг биринчи ўринбосари мақомидаги Техник директор «RRTM» ДУК да радиоалоқа, радиоэшиттириш ва телевидение тармоқларини шакллантириш, ривожлантириш, такомиллаштириш, лойиҳалаш, куриш, техник эксплуатация қилиш ҳамда хизматлар кўрсатиш фаолиятини мувофиқлаштиради.

VIII. «RRTM» ДУК Устав фонди миқдори, уни шакллантириш тартиби ва манбалари

54. «RRTM» ДУК га бириктирилган мулк давлат мулки ҳисобланади ва Устав фонди **704 980 453 (етти юз тўрт миллион тўққиз юз саксон минг тўрт юз эллик уч) сўмни** ташкил қилади.

55. «RRTM» ДУК балансида қайд этилган мол-мулки асосий ва айланма воситалардан, шунингдек «RRTM» ДУК ҳисобида нархи ифодаланган бошқа моддий қийматликлардан ҳамда банк муассасасидаги ҳисоб рақамида мавжуд пул маблағидан ташкил топади.

56. Шунингдек, «RRTM» ДУК мол-мулкни, молиявий маблағини шакллантириш ва кўпайтириш манбалари қуйидагилар:

- муассис томонидан оператив бошқариш ҳуқуқи асосида бириктирилган мулк;
- банк кредитлари ва бошқа мақсадли кредитлар;
- қимматли қоғозлардан келадиган даромадлар;
- капитал маблағлар ва бюджетдан ажратилган дотациялар;
- беғараз молиявий ёрдам ва хайрия бадаллари ҳамда корхоналар, ташкилотлар ва жамғармалар манбаларидан;
- қонун ҳужжатларига зид бўлмаган бошқа манбалар ҳисобига шакллантирилади.

57. «RRTM» ДУК мулкнинг қолдиқ қиймати корхонанинг жорий йил якуни бўйича мустақил балансида акс этирилади.

58. «RRTM» ДУК Бош директори томонидан муассис билан олдиндан келишув асосида қуйидаги мақсадлар учун «RRTM» ДУК балансидаги мулкни тасарруф этиш амалга оширилади:

- мулкни хўжалик жамиятлари устав фондига улуш сифатида қўшиш;
- хўжалик жамиятларидаги акциялар (улушлар)ни сотиб олиш ҳамда корхонага тегишли акциялар (улушлар)ни сотиш;
- асосий воситаларни сотиш, ижарага бериш ёки уларни баланс ҳисобидан чиқариш;

59. Асосий фондларини ўзга юридик шахсларга бериш, сотиш ва ҳисобдан чиқариш Ўзбекистон Республикасининг қонун ҳужжатларида назарда тутилган тартибда ҳамда Ўзбекистон Республикаси ахборот технологиялари ва коммуникацияларини ривожлантириш вазирлиги томонидан тасдиқлаган меъёрий ҳужжатлар асосида ва муассиснинг олдиндан олинган розилиги билан амалга оширилади.

60. «RRTM» ДУК ва унинг ҳудудий радиотелеузатиш марказлари Ўзбекистон Республикасининг қонун ҳужжатларида белгиланган тартибда ва Ўзбекистон Республикаси ахборот технологиялари ва коммуникацияларини ривожлантириш вазирлигини розилиги билан давлат тасарруфидан чиқарилиши ва хусусийлаштирилиши мумкин.

61. Ўзбекистон Республикаси ахборот технологиялари ва коммуникацияларини ривожлантириш вазирлиги билан келишган ҳолда «RRTM» ДУК ҳудудий радиотелеузатиш марказлари ташкил этилган тақдирда, «RRTM» ДУК томонидан бир ҳафта муддатда Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси (унинг ҳудудий бошқармаси)ни хабардор қилиши шарт.

IX. «RRTM» ДУК нинг соф фойдаси

62. Бюджетга ва бюджетдан ташқари фондларга барча солиқлар ва бошқа мажбурий тўловлар тўлангандан кейин давлат корхонасида қоладиган соф фойда корхона ихтиёрида қолади ҳамда ундан Ўзбекистон Республикаси ахборот технологиялари ва коммуникацияларини ривожлантириш вазирлиги қарорига кўра мақсадли фойдаланади.

63. Соф фойданинг бир қисми корхона жамоаси ходимларини моддий рағбатлантиришга ва «RRTM» ДУК дан нафақага чиқиб ишламаётган меҳнат фаҳрийларини ижтимоий муҳофаза қилишга йўналтирилиши мумкин.

64. «RRTM» ДУК ўз ихтиёрида қоладиган соф фойда ҳисобига корхона Уставида назарда тутилган тартибда ва муассис томонидан тасдиқланган миқдорларда заҳира ва бошқа фондларни ташкил этиши мумкин.

65. «RRTM» ДУК шартнома мажбуриятларининг бузилишига, кредит-ҳисоб, солиқ тўлови интизомига риоя қилинишига тўлиқ жавобгардир.

66. «RRTM» ДУК бошқа корхона, ташкилот ва муассасалар билан амалдаги қонунларга биноан шартномавий-ҳуқуқий муносабатларини белгилайди.

67. «RRTM» ДУК ижтимоий муаммоларни ҳал этишда мавжуд маблағлардан оқилона ва мақсадли фойдаланишни таъминлайди.

68. «RRTM» ДУК иш фаолиятининг яқунлари бўйича ўрнатилган тартибда иш ҳақи фондини ташкил қилади ва ходимларни мукофотлаш, моддий рағбатлантириш тартибини белгилайди.

69. «RRTM» ДУК ва унинг ҳудудий радиотелеузатиш марказлари молиявий ва хўжалик фаолиятини кенгайтириш ва иш самарадорлигини ошириш бўйича чоратadbирларни ишлаб чиқади ва бажарилишини таъминлайди.

70. «RRTM» ДУК ўз фаолияти натижаларини оператив таҳлил қилиб боради, бухгалтерия ҳисоби ва ҳисоботини юритади ҳамда давлат статистика идораларига ўрнатилган тартибда статистик ва истиқболли ҳисоботларни (балансларни) тақдим қилади.

71. «RRTM» ДУК қонун ҳужжатларида белгиланган тартибда таркибий тузилмаларини, радиотелеузатиш марказларининг молиявий хўжалик фаолиятларини аудиторлик текширувидан ўтказди ва натижалари бўйича тузилган ҳулосаларни статистика ва солиқ органларига тақдим қилади.

72. «RRTM» ДУК нинг ички меъёрий ҳужжатларида белгиланган тартибда

таркибий бўлинмаларни молиялаштириш, ишлаб чиқариш кўрсаткичларини бажариш, молиявий интизомга риоя қилиш, ўз вақтида бюджет ва юқори турувчи ташкилотлар билан, банк муассасалари, таъминотчилар билан тўлиқ ҳисоб-китоб қилиш, молиявий маблағларни тақсимлаш, тежамкорлик билан фойдаланишни таъминлайди.

Х. «RRTM» ДУК радиотелеузатиш марказлари

73. «RRTM» ДУКнинг таркибида фаолият юритиб келган 9 та – Қорақалпоғистон Республикаси, Вилоятлар ва Тошкент шаҳар радиотелевизион узатиш марказлари «RRTM» ДУКга қўшиб олиниши муносабати билан, «RRTM» ДУКнинг буйруқларига мувофиқ, юридик шахс мақомига эга бўлмаган филиал шаклида фаолият юритади ва қуйидагича номланади:

- **Андижон радиотелеузатиш маркази «RRTM»** ДУКнинг 2013 йил 29 апрелдаги 178-сон буйруғи билан Андижон, Фарғона ва Наманган вилоятларида юридик шахс мақомига эга бўлмаган филиал шаклида фаолият юритади. (Аввал, Андижон вилояти истиқболни белгилаш ва статистика бошқармасининг Хисоблаш маркази томонидан 1997 йил 21 январда 205-х-сон рақами билан давлат рўйхатидан ўтказилган Андижон радиотелевизион узатиш маркази);

- **Бухоро радиотелеузатиш маркази «RRTM»** ДУКнинг 2013 йил 29 апрелдаги 177-сон буйруғи билан Бухоро вилоятида юридик шахс мақомига эга бўлмаган филиал шаклида фаолият юритади. (Аввал, Бухоро вилояти, Бухоро шаҳар ҳокимияти қарорига мувофиқ 2001 йил 20 апрелдаги 680-сон рақами билан давлат рўйхатидан ўтказилган Бухоро радиотелевизион узатиш маркази);

- **Навоий радиотелеузатиш маркази «RRTM»** ДУКнинг 2013 йил 29 апрелдаги 181-сон буйруғи билан Навоий вилоятида юридик шахс мақомига эга бўлмаган филиал шаклида фаолият юритади. (Аввал, Навоий вилояти, Навоий шаҳар ҳокимияти томонидан 1993 йил 8 февралдаги 185/02-сон рақами билан давлат рўйхатидан ўтказилган Навоий радиотелевизион узатиш маркази);

- **Самарқанд радиотелеузатиш маркази «RRTM»** ДУКнинг 2013 йил 29 апрелдаги 179-сон буйруғи билан Самарқанд ва Жиззах вилоятларида юридик шахс мақомига эга бўлмаган филиал шаклида фаолият юритади. (Аввал, Самарқанд вилояти истиқболни белгилаш ва статистика бошқармасининг Хисоблаш маркази томонидан 1995 йил 19 январда 000721-сон рақами билан давлат рўйхатидан ўтказилган Самарқанд радиотелевизион узатиш маркази);

- **Сурхондарё радиотелеузатиш маркази «RRTM»** ДУКнинг 2013 йил 29 апрелдаги 180-сон буйруғи билан Сурхондарё вилоятида юридик шахс мақомига эга бўлмаган филиал шаклида фаолият юритади. (Аввал, Сурхондарё вилояти, Термез шаҳар ҳокимиятининг қарорига мувофиқ 1998 йил 5 майдаги 368-сон рақами билан давлат рўйхатидан ўтказилган Сурхондарё радиотелевизион узатиш маркази);

- **Тошкент радиотелеузатиш маркази «RRTM»** ДУКнинг 2013 йил 24 апрелдаги 165-сон буйруғи билан Тошкент шаҳри, Тошкент ва Сирдарё вилоятларида юридик шахс мақомига эга бўлмаган филиал шаклида фаолият юритади. (Аввал, Тошкент шаҳар Юнусобод тумани ҳокимияти ҳузуридаги Тадбиркорлик субъектларини рўйхатдан ўтказиш инспекцияси томонидан 2002 йил 20 мартда 10-000263 реестр рақами билан давлат рўйхатидан ўтказилган «Toshkent radio va televidenie uzatish markazi»);

- **Хоразм радиотелеузатиш маркази «RRTM»** ДУКнинг 2013 йил 29 апрелдаги 174-сон буйруғи билан Хоразм вилоятида ва қисман Қорақалпоғистон Республикасида юридик шахс мақомига эга бўлмаган филиал шаклида фаолият

юритади. (Аввал, Урганч шаҳар ҳокимлиги давлат рўйхатидан ўтказиш бўлими томонидан 2002 йил 12 сентябрдаги 340-сон реестр рақами билан давлат рўйхатидан ўтказилган Хоразм вилоят радиотелевизион узатиш маркази);

- **Қашқадарё радиотелеузатиш маркази «RRTM»** ДУКнинг 2013 йил 29 апрелдаги 176-сон буйруғи билан Қашқадарё вилоятида юридик шахс мақомига эга бўлмаган филиал шаклида фаолият юритади. (Аввал, Қашқадарё вилояти, Қарши шаҳар ҳокимияти томонидан 2005 йил 23 майдаги Х-302/5-сон реестр рақами билан давлат рўйхатидан ўтказилган «RRTM» ДУКнинг Қашқадарё вилоят филиали);

- **Қорақалпоғистон радиотелеузатиш маркази «RRTM»** ДУКнинг 2013 йил 29 апрелдаги 175-сон буйруғи билан Қорақалпоғистон Республикасида юридик шахс мақомига эга бўлмаган филиал шаклида фаолият юритади. (Аввал, Қорақалпоғистон Республикаси, Нукус шаҳри ҳокимияти ҳузуридаги Тадбиркорлик субъектларини рўйхатдан ўтказиш инспекцияси томонидан 2005 йил 15 апрелдаги 2-сон реестр рақами билан давлат рўйхатидан ўтказилган Қорақалпоғистон радиотелевизион узатиш маркази);

74. «RRTM» ДУК ҳудудий радиотелеузатиш марказларини, ваколатхоналарини ва таркибий бўлинмаларини ташкил этиш муассис билан келишган ҳолда, қонун ҳужжатлари талаблари асосида амалга оширилади.

75. «RRTM» ДУК таркибидаги ҳудудий радиотелеузатиш марказларининг ишлаб чиқариш ва молиявий хўжалик фаолиятлари амалдаги қонун ҳужжатларига, шунингдек «RRTM» ДУК Бош директори томонидан тасдиқланган Низомларга мувофиқ равишда олиб борилади.

76. «RRTM» ДУК таркибидаги ҳудудий радиотелеузатиш марказлари барча турдаги статистик, истиқболли (прогнозный) ва бухгалтерия ҳисоботларини, чораклик, ярим йиллик ва йиллик балансларни ўрнатилган тартибда тасдиқланган шаклларда ва марказлаштирилган тартибда «RRTM» ДУК га такдим қиладилар.

77. «RRTM» ДУК ҳудудий радиотелеузатиш марказлари ўзларининг тасдиқланган Низомларида белгиланган асосий вазифаларни, функцияларни бажариш билан бир вақтда юқори турувчи бошқарув органи сифатида «RRTM» ДУК томонидан кўшимча равишда берилган ваколатлар доирасида хўжалик юритувчи субъектлар билан шартномавий муносабатлар белгилаш ва ўзаро ҳисоб-китобларни амалга ошириш, меҳнат шартномаси асосида ишлаётган ходимларга бўнак ва тўлиқ ҳисоб-китоб қилиш йўли билан ҳар ойда иш ҳақи тўлаш, ишлаб чиқариш заруриятидан келиб чиқиб, мақсадли сарф-харажатларни амалга ошириш учун жойлардаги банк муассасаларида «RRTM» ДУК томонидан корхона ҳисоб рақамлари очилади.

78. Ҳудудий Радиотелеузатиш марказларининг ишлаб чиқариш ва молиявий хўжалик фаолиятлари бошқаруви муассис сифатида «RRTM» ДУК томонидан бериладиган махсус ишончнома асосида фаолият кўрсатувчи раҳбар (директор) томонидан олиб борилади.

79. «RRTM» ДУК бош бўлинмаси ва унинг таркибий тузилмалари сони, турлари ва штатлар жадвали Ўзбекистон Республикаси ахборот технологиялари ва коммуникацияларини ривожлантириш вазирлиги билан келишилган ҳолда «RRTM» ДУК Бош директори томонидан тасдиқланади.

80. «RRTM» ДУК ҳудудий радиотелеузатиш маркази директорлари муассис билан келишилган ҳолда, ўринбосари (Бош муҳандиси) ҳамда Бош бухгалтери

«RRTM» ДУК билан келишилган ҳолда «RRTM» ДУК Бош директори томонидан лавозимга тайинланади.

81. «RRTM» ДУК ҳудудий радиотелеузатиш марказлари «RRTM» ДУК билан келишган ҳолда ўз тасарруфидаги мулкка эгалик қилишлари ва бевосита фойдаланишлари, балансга киритилган асосий ва айланма воситалар, шунингдек жойлардаги банк муассасасидаги корхона ҳисоб рақамида мавжуд пул маблағлари ҳисобига шартномавий мажбуриятларни бажаришлари мумкин.

82. «RRTM» ДУК билан келишган ҳолда шартномавий муносабатлардан юзага келган мулкӣ – номулкий низолар бўйича «RRTM» ДУК ҳудудий радиотелеузатиш марказлари судларга даъвогар ёки жавобгар сифатида иштирок этишлари мумкин.

XI. «RRTM» ДУК жавобгарлиги

83. «RRTM» ДУК ўз мажбуриятлари бўйича ўзига тегишли мулк билан жавоб беради. Муассис қонун ҳужжатларида назарда тутилган ҳолларда (корхона суднинг қарорига мувофиқ банкрот деб эълон қилинган тақдирда) субсидиар тартибда қисман мулкӣ жавобгар бўлиши мумкин.

84. «RRTM» ДУК муассиснинг мажбуриятлари бўйича жавоб бермайди.

85. «RRTM» ДУК ўз ҳудудий радиотелеузатиш марказлари мажбуриятлари бўйича муассис ва ҳуқуқӣ ворис сифатида жавоб беради.

XII. Ўзаро ҳамкорлик

86. «RRTM» ДУК ўзининг ишлаб-чиқариш ва молиявий хўжалик фаолиятини янада кенгайтириш, ривожлантириш мақсадида алоқа ва ахборотлаштириш соҳасидаги акциядорлик компаниялари, жамиятлар, корхоналар, ташкилотлар ва муассасалар билан ўзаро ҳамкорлик фаолиятини амалга оширади.

87. «RRTM» ДУК фаолиятини янада такомиллаштириш, чет эл сармояларини жалб қилиш ҳамда улар билан ўзаро ҳамкорликни йўлга қўйиш мақсадида чет эл мамлакатлари компаниялари билан музокаралар олиб бориш учун Ўзбекистон Республикаси ахборот технологиялари ва коммуникацияларини ривожлантириш вазирлиги раҳбариятига таклифлар киритади.

88. Ўзаро ҳамкорлик асосида амалга оширадиган дастурий тадбирлар ва ишлар бўйича Ўзбекистон Республикаси ахборот технологиялари ва коммуникацияларини ривожлантириш вазирлиги олдида ҳисобдордир.

XIII. «RRTM» ДУК нинг хўжалик фаолияти

89. «RRTM» ДУК ўз фаолиятида амалдаги қонун ҳужжатларига риоя қилган ҳолда, молия-кредит муассасаларидан ҳисоб рақами ва бошқа тўлов воситалари орқали чекланмаган ҳолда молиявий операцияларини миллий сўмда ҳамда чет-эл валютада амалга оширади.

90. «RRTM» ДУК нинг ишлаб чиқариш ва молиявий хўжалик фаолиятининг асосий умумлаштирувчи кўрсаткичи барча чегирмалардан кейин қолган соф фойда ҳисобланади.

91. «RRTM» ДУК қуйидагиларни:

- Ўзбекистон Республикаси қонунлари асосида барча даромад манбаларидан

бюджетга солиқларни, йиғимларни, шунингдек бюджетдан ташқари жамғармалар тўловларини ҳисоблаш ва ўз вақтида ўтказишни;

- радиоалоқа, радиоэшиттириш ва телевидения воситалари ишида сифат кўрсаткичлари бузилганлиги учун ваколатли органларнинг ёки суднинг қарори асосида жарима тўлашни;

- «RRTM» ДУК Бош директори томонидан тасдиқланган тариф ва нархларда ёки хўжалик юритувчи субъектлар билан ўзаро тузилган шартномаларда келишилган нархларда хизмат кўрсатишни;

- амалдаги қонун ҳужжатларида белгиланган тартибда ва Ўзбекистон Республикаси ахборот технологиялари ва коммуникацияларини ривожлантириш вазирлиги томонидан тасдиқланган меъёрий ҳужжатлар асосида ташқи иқтисодий фаолиятни амалга оширади.

XIV. «RRTM» ДУК да ҳисобот ва корхона фаолиятининг назорати

92. «RRTM» ДУК да ҳисобот даври якунида ваколатли органларга молиявий ҳисоботни ва рўйхати қонун ҳужжатларида белгиланган бухгалтерия ва бошқа ҳужжатларни тақдим этади, ҳужжатларнинг сақланишини таъминлайди, белгиланган тартибда давлат архивига топширилиши учун жавоб беради.

93. «RRTM» ДУК фаолиятини хўжалик юритувчи орган сифатида назорат қилиш қонун ҳужжатларда белгиланган тартибда муассис ва бошқа ваколатли органлар томонидан амалга оширилади.

94. «RRTM» ДУК молиявий ва хўжалик фаолиятини ўрганиш, текшириш ёки тафтишдан ўтказиш Ўзбекистон Республикаси Қонунларида белгиланган тартибда амалга оширилади.

95. «RRTM» ДУК Ўзбекистон Республикаси қонунларида белгиланган тартибда молиявий ва хўжалик фаолиятини Аудит текширувидан ўтказиши ҳамда ушбу текширувлар натижаси бўйича бухгалтерия ҳисоби ва ҳисоботларини тўғирлаши, хўжалик фаолиятини такомиллаштириши мумкин.

96. Назорат қилувчи органлар томонидан ўтказилган режали текширишнинг якуний натижалари бўйича тузилган далолатнома ва шу далолатнома асосида марказга молиявий жарима қўллаш ҳақида чиқарган қарорга норози бўлган тақдирда «RRTM» ДУК томонидан қонунчиликда белгиланган тартибда қарор қабул қилган мансабдор шахснинг юқори турувчи органига ёки бевосита судга мурожаат қилишга ҳақлидир.

XV. «RRTM» ДУК ни қайта ташкил этиш ва тугатиш

97. «RRTM» ДУК муассис қарорига кўра, тегишли равишда Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси ёки унинг ҳудудий бошқармаси билан келишилган ҳолда, қонун ҳужжатларида белгиланган тартибда ёхуд суд қарорига биноан қайта ташкил этилиши ёки тугатилиши мумкин.